



UNIVERSITÄTS-
BIBLIOTHEK
PADERBORN

**Poesis Sacra Sive Vitae, Mortis, Et Resurrectionis
Salvatoris Nostri Jesu Christi Historia**

**Hermann, Joachim Heinrich von
Hildesii, 1743**

VD18 10904743

4tò. Descriptio ultimi Judicii à Christo proposita.

[urn:nbn:de:hbz:466:1-68828](https://nbn-resolving.de/urn:nbn:de:hbz:466:1-68828)

Hacidūm terras , vicināque regna repente
 Notificabatur : concurrunt undique turmæ,
 Ut videant hominem , Libitinæ gurgite mersum ,
 Et fermè putridum , reparato corpore vivum .
 Multa recensentur , quæ Lazarus ille , tremendos
 Alterius vitæ casus spectantia , fidis
 Sub terrore gravi retulisse putatur amicis :
 Hæc tamen ambiguis , ut apocrypha , plena relatis ,
 Malo putatitiis aliorum cedere fastis ;
 Dum , quæ sola docet Scripturæ pagina , versu
 Prosequor . Interea Jesu , mea Vita , meæque
 Lux & Dux animæ ! si decretoria magni
 Judicii hora venit , Superum me Cœtibus adde .

POESEOS SACRÆ ET PARTIS TERTIÆ INDUCTIO QUARTA.

S. LUCAS CAP. 21.

Nam virtutes Cœlorum movebuntur : & tunc videbunt Fi-
 lium hominis venientem in nube cum potestate magnâ
 & Majestate . His autem fieri incipientibus , respicite & le-
 vate capita vestra , quoniam appropinquat redemptio vestra &c .

SYNOPSIS.

Dominus & Salvator noster Jesus Christus triste excidium ur-
 bis Hierosolymitanæ , & multas totius terrarum Orbis cala-
 mitates prædicit , ac denique ultimum universalis Judicii diem ,
 cum omnibus in illo die evenientibus circumstantiis , pro nota-
 bili cautela describit .

E minùs aspiciens Solymæa palatia Christus
 Illacrymabatur Templi domuūmque ruinis ; ^{Luc.} 19.41.
 Quas ob commissas , committendásque protervas
 Indomitæ gentis noxas , astare videbat
 Prae foribus . Tardat Nemesis Divina subinde
 Ultrices frameas , sed postea duplicat iætus .
 Intererat quidam turbis , qui nobile Templi

^{Matt.}
^{24.1.}
 Mi-

K 4

Mirabatur opus: sed Christus corde trahendo
 Altifonos gemitus, præfigia mœsta ferebat,
 Non procul esse diem, quo tantæ fabrica molis
 Ex fundamento penitus subversa, doceret,
 Quam fragili fulcro nitatur gloria Mundi.
 Ex auditorum quidam trepidante coronâ
 Sollicitè quærunt, hæc infortunia quando
 Matt. 24. Eventura putet; pariter, quæ signa tremenda
 Excidi cladem sint præcessura. Redemptor:
 Non seduciminor, si vos sub imagine falsa
 Pseudoprophetarum fraudes pervertere tentent
 Hoc præcedet enim, sed multò plura sequentur
 Prælia ruricolas, cives trepidatio Terræ,
 Tempestas Marium nautas, contagia gentes
 Subvertent; sunt ista malæ præludia cladis.
 At dum terrificis exercitus imminet armis,
 Agrediturque sacram concussis mœnibus urbem
 Tunc exterminii tempus venisse sciatis.
 Sunt fortunati, quos extra mœnia tutos
 Libertas posuit; siquidem super alta jugorum
 Sub spissis nemorum tenebris, sub rupe ferarum
 Celari poterunt: verum crudelior ensis
 Non intermittet profugos exscindere cives.
 Omiseram pueris, uterumque gerentibus horam
 Ultio magna Dei! quibus indignata pepert
 Militis in rabiem versi truculentia, pressi
 Mole catenarum per dissita regna trahentur.
 Genticus ille furor, subversis mœnibus urbis,
 Calcabit sacra Templa Domus, quam Rector Olympi
 Haetens incoluit, conspurcabitq; cruento. (pi)
 Hæc mala vaticino Solymæis ore vetusti
 Præciuere Patres; quorum pars magna cruento
 Interitu periit proavorum tempore: fusus

An

Ante thronum Domini vindictam sanguis, & illam,
 Quæ fremit ante fores, cladem luctumq; popos-
 Continuò tragicos ostendis Munde dolores: cit.
 Hic fuit antiquo tibi mos consuetus ab ævo;
 Nec poteris cessare priùs, quām tota supremis
 Intereat miserè populantibus orbita flammis.
 Extremi vivos reor exhibuisse colores
 Exitii Christum; quo præmonitore repando
 Ulteriora: facer nostras timor instrue mentes,
 Ne lolium dominans faciat sterilescere campum.
 Sunt experta Dei, plectentis crimina, duram
 Plurima regna manum: diverso tempore Mundi,
 Lethiferæ pestes, segetum causantia diram
 Detrimenta famem, rapidi dispendia belli,
 Oceani fluctus, tremulæ Telluris hiatus,
 Classica ventorum, nimborum turbo, tumultus
 Ætheris irati, truculento fulmine mixtus,
 Affixere solum: quin tempestate Noëmi
 Integer horrendo submersus in Æquore Mundus
 Naufragium fecit, tanto memorabile luctu,
 Ut, qui præsumit digno proponere versu
 Hujus inauditæ fatalia damna ruinæ,
 Centenos studiis impendere debeat annos.
 Exspatiatus enim super alta cacumina Pontus,
 Quidquid spirabat, decumano gurgite cæcum
 Abstulit in barathrum: volucris lassata volando
 Fluctibus hauritur; nec muscæ sæva pepercit
 Diluvii rabies. Solus cum conjugé justâ, Gen. 7
 Atque tribus gnatis, totidemque ligamine junctis
 Conjugii sociis, tantis servatur ab undis
 Lamechides, & quæ secum, vi Numinis acta,
 Ut genus instaurent, animalia duxit in arcam.
 Post hæc pœnituit Dominum, vel rectius, ipse

K 5

Com-

Commiseratus ait : Nolo delere futuris
Gen. 8.21. Temporibus tali mortales clade : sciatis
 Omnes, opposito qui cernitis Irida Sole,
Gen. 9.13. Nequaquam Pelago, sed post stata tempora tota
 Me renovaturum faciem Telluris in igne.
 Hinc dum præmeditor, quæ sint cantanda, capillo
 Arrigit insolitus pavor, & trepidatio cursum
 Impedit, ad finem calami properantis. Amar
 Et truculenta dies, multoque severior illâ,
 Quæ totam tumido submersit in Æquore Terram
 O horrenda dies, & ineluctabile fatum!
 Quo concussa ruent celeri mortalia lapsu,
 Post multas strages, post infortunia mille,
 Post vaga caudatis circumvolitantia flammis
 Sidera, Divini prænuntia signa furoris.
 Ipse suum medio Titan excelsus Olympo
 Condet inassuetâ nitidum caligine vultum,
 Nulla resumpturus fulgoris lumina : Phœbe,
 Desperando diem, crassis tumulabitur umbris,
 Funereoque simul, cum compare sidere, luctu
 Vestitûque pari, plorabit fata ruentis
 Naturæ ; cujus per sæcula multa theatrum,
 Alternis vicibus, famulo recreaverat igne.
 Non erit in terris, qui non sua lumina sursum
 Hanc metamorphosin grandem, paritate carentem
 Aspiciendo, levet, pavidoque timore repletu
 Conjiciat, venisse diem, quo sæcula, primum
 In nihilum redditura, cadent. Collisio grandis
Luc. 21.25 Et fragor insolitus nimborum, motus abyssi,
 Oceani fremitus, & conjurata malorum
 Agmina terrigenas consternatura, priusquam
 Ingruat atra dies, fatali clade recident.
 O metuenda dies ! quâ Mansuetudo furorem

Induit, & rigido micat indignantis ab ore
 Omnipotens atrox bisacutaque lancea, justo
 Trajectura malos æterni vulneris iætu!
 O rhomphæa minax! o vox per inania tanto
 Cum fremitu dispersa, velut millena fragorem
 Undique conscient, reboëntque tonitrua rauca.
 Vocis sensus erit: Defuncti surgite! Judex
 Omnipotens, Deus ipse palam, Deus ipse supre-
 Hujus judicij Præses, Dominusque sedebit, (mus
 Ejaculatus justi decreta furoris
 In reprobos! cunctæ confestim surgite gentes;
 Innumerabilem sonitus, clangorque tubarum,
 Quas inflaturi per Majestate repletum Matt.
24.31.
 Aera Cœlestes Genii Proceresque volabunt,
 Discutiet tumulos, faciètque patere sepulchra.
 Offa citatorum subito crepitantia motu,
 Et congesta suo jungentur in ordine, tanquam
 Si nullo dispersa loco spatioque fuissent:
 Hæc veteres nervi, caro pristina, propria pellis
 In cineres dudum nihilumque redacta, ligabunt:
 Sicque reversa, suis animabus juncta, resurgent.
 Quanta resurgentum parebunt agmina! certè
 Humanus nullus poterit transcendere visus.
 Josaphat in vallem confuso turbine latae
 Archiduces Genii disjungent ordine turmas: Matt.
25.33.
 Infantes animæ dextram, reprobæque sinistram
 Sejunctorum naœtæ, cupiunt metuuntque supremi
 Judicis arbitrium, & quæ sit sententia tandem
 Infligenda sibi, nullo revocabilis ævo.
 Per medios ignes, quibus inflammabitur Æther,
 In signum vitæ Crucis apparebit imago.
 O Crux alma meis toties impressa labellis!
 Sub cuius rubeis ego sacramenta trophæis

Ad-

Addixi Domino Baptismi fonte levatus:
 Me salva miserum, consigna sanguine Christi
 Hanc frontem, subitumque jube transfire furorem
 Postea conspicuus tricolori Christus in arcu
 Jura dabit populis: cujus sanctissima Mater
 Hæredit lateri; sanctorum millia mille
Matt.
 Spirituum magnâ cingent spectacula pompa,
25.31. Hinc Præcursum, Patriarchas inde videbis:
 Turba Prophetarum fulgentibus æmula stellæ
 Cœtus Apostolicus, nec non pro dogmate Christi
 Martyrio cæsi, super alta sedilia, eidem
 Conregnaturi, radiabunt Solis ad instar.
 Eminus aspicient, mirabunturque cohortes
 Innumeræ hominum, completaque jugera vivi
 Intereat totus valvas expandet Olympus;
 Nubila discedent; facies Divina sereno
 Lustrabit fulgore Polos; tranquilla subibit
 Temperies, auctura Dei præsentis honorem.
 Hanc Majestatem tacito veneratus amore
 Injiciam linguæ frænum; quia nescio voces
 Materiæ dignas, vel convenientia tantis
 Casibus arcanis expromere verba. Stupesco
 Myriades tantas hominum simul ante tribunal
 Contemplor dextros, contemplor mente sinistros.
 Hos quatit immensus pavor; illos sortis amanæ
 Spes, solidata sacro virtutum robore, firmat.
 Aspiciens Christus reprobos, in fulgetra voce
 Armat, & opponit pavidis delicta, suique
 Duritiem cordis; dum spretâ lege rebelles
 Oppugnare Deum, detestarique propinquos
 Conati, fœdis triverunt tempora factis.
Matt. Hæcque exprobrando tonat implacabile verbum
25.41. Ite procul reprobi! Stygias augete favillas,

Qus

Quas mea Dæmonibus dudum vindicta paravit.
 Respiciensque probos, expellit nubila vultu,
 Et placatus ait: Vos, qui mea verba fecuti
 Duxistis rigidam sub iniquo tempore vitam,
 Approperate velim, vestrorum justa laborum
 Præmia capturi, vobis ab origine Mundi
 Appromissa: meos quoties pavistis egenos!
 Vestitu quoties texistis! quanta malorum
 Agmina constanti tolerastis pectore! coram
 Millibus adversis me glorificasti: amicos
 Vertor in amplexus; vobis mea Regna redono.
 Judicio celebri finem subjunget utrumque
 Judicis effatum; quo factio denique nubes
 Electos, sicut Christum super ardua celsi
 Montis Olivarum, reapertis inferet Astris.
 Jubila nemo potest, quibus ista sede recepti
 Cœtibus Angelicis, Patriarchis atque Prophetis,
 Martyribusque sacris, Confessorumque catervis
 Consociabuntur, mortali tangere sensu.
 Hac Paulo testante meum superantia captum
 Admiror tacite, & supplex prostratus eundem
 Dispensatorem, qui se redamantibus illa,
 Quæ sensum superant, est collaturus, adoro.
 Taliter Electis Cœlorum sede receptis,
 Horrida tempestas duplicabitur: alta repente
 Ignibus ejectis os dilatabit Abyssus,
 Et reprobos patulo deglutiet Orcus hiatu.
 Hocque repentino claudentur sæcula fine!

Matt.
25.35

POESEOS SACRÆ ET PARTIS TERTIÆ

INDUCTIO QUINTA.

S. JOANNES CAP. 8.

Erigens autem se Jesus dixit ei: mulier ubi sunt, qui te
 accusabant? nemo te condemuavit? quæ dixit: Nemo,
 Domi-